

四庫全書

集部

欽定四庫全書

香山集卷十二

宋 喻良能 撰

五言排律

桐汭

東汭波吞岸西桐水見沙祠山千古盛州宅四時嘉前
直三峰峻旁連大洞呀黃南清港曲織女小橋斜野店

籬為戶春山繭作花烏羊難入饌青菜頗宜茶

土人謂
猪為烏

羊橄欖
為青菜

綳錦饒新筍槍旗富嫩芽靈山古佛地丹井列

仙家鐵冶名猶壯金牛跡尚窪滯留三載久詩板滿煙霞

試院中秋效諸進士作月湧大江流

團月臨清夜平分一半秋輪侵斜漢迥色湧大江流皎皎驚飛鵲亭亭喘卧牛一川寒練靜十頃素光浮碎彩通袁渚餘輝謝庾樓翻思杜陵老岸草泊檣舟

由上饒之貴溪舟中書事

日月三秋杪江山萬象殊小舟浮舴舨廣信出閨闔

是日

由廣信
門登舟

草木關詩律雲煙入畫圖水清沙可數景好句

難摹汀際寒鳴鴈檣端晚噪烏樵村人語靜商權夜燈

孤冷水尋宵泊焦灘就曉舖

冷水焦石
皆灘名

霧銷分浦淑風

定少帆蒲愛日生蓬背奇峯湧坐隅芙蓉多落葉楊柳

有枯株楓葉紅綃翦蘆花白雪鋪翩翩兩行鷺泛泛一

雙鳬斷岸幾十尺誅茅間一區鷁巖清港急龍瀨碧濤

鹿巖
黃龍灘

斷已憑三老那能貴一壺酒壚勞問訊漁艇

費招呼鮮鯽還堪買香醪亦任沽不妨成酩酊聊復免

馳驅汭口真蕭鎮錢倉豈舊爐

錢倉巖名

聚篁驚外畏怪石

覺中剗漸喜三吳近寧辭十里紆

三吳廟名

波平如瀉鏡罡

密似連珠

連珠灘名

嘯咏知誰和歌眠只自娛市聲喧弋邑

山雨鬧蓮湖

弋陽有蓮湖灘

擬傍桃花宿

桃花臺有小寺

容繡貝葉無

鳥棲方艤檝鯨吼又乘桴野菊新收艷官梅未吐鬚貴

溪端爽灑賤子小踟躕王事三旬外舟程六驛逾

八月二十

八日離番陽十月二日回至貴溪蓋三十五日舟行凡三百六十里也

更判弦月上應得

綵衣趨

為柴懷叔殿院題世綵堂

慶積門闌久祥鍾家世醲乘驄驚創見戲綵覺重逢鮎
耄頻三喜孫曾見八龍年齡開九秩孫子享千鍾奕葉
今榮耀蟬聯舊素封家風追萬石眉壽擬三松畫棟侵
銀漢平池浸碧峯同心木芍藥並蒂水芙蓉委曲顏常
悅騫騰色愈恭會須陶謝手覓句細形容

題東林寺

江湖大蘭若廬阜一東林砌遶琮琤水門羅翠碧岑煙

雲千古色松檜四時陰岸幘銷塵慮凭欄淨客心殿成
神運力泉出虎跑音溪在思元亮堂荒憶醉吟圖傳三
笑桀閣擁五杉森貝葉應難訪經臺已莫尋僧袈何代
朽佛影幾時沉晉輦黃埃久殷碑蒼蘚深不妨閒弔古
誰復為沾襟香火惟蓮社傳流直至今

送參議李器之

人間今北海天上謫仙人雄論堪醫國新詩可泣神搖
毫雲落紙揮塵坐生春芸閣登吟慣綾衾入直頻三十

辭故里二載宦全閩
婉畫裨南閩英名動
北辰惠風吹
別思細草礮征輪
行矣躋華要聲猷
日日新

釋奠禮成上安撫大觀文十四韻

鉅宋中興日全閩極治年
保釐須碩德鎮撫賴真賢
燕寢何曾逸儒宮最所先
上丁將歲事仲月乃修虔
銅鼎參壘洗犧尊間豆籩
低昂袞繡服拜起冕旒前
庭燎明如畫爐薰滃似煙
鄉風人引領觀禮士填咽
闔郡謹聲沸熙朝盛事傳
僖公甘避路常相敢差肩
宜有新詩播

庸昭美化宣陋儒何幸會典禮獲周旋南紀非工部

子美

題衡山文宣王廟南紀
收波瀾西河共風味

中和豈子淵斐然形頌述深媿

采芹篇

夜宿浮石山崇福寺上方題壁

窈窕尋支徑縈紆度密林岸回溪更駛峯轉塢逾深僧
梵雲邊寺鐘魚竹裏音解鞍生妙興倚檻淨煩襟永夜
涼颼動初秋爽氣侵巖空寒溜滴壁靜候蟲吟香篆窺
孤宿燈花伴獨斟不諳塵外趣誰識此時心

湖上用王茂材同年韻

木落長空淨秋深爽氣多
澹煙浮遠樹晶日泊平蕞小
艇浮深碧孤筇曳慢坡
菊花簪雪鬢桑落灑金荷
妙興追潘岳清游軼永和
何當命菱角唱我醉時歌

過分水嶺初出建寧界

辛卯踰閩嶠淳熙出建關
瀾漫第五渡

自崇安至楊家莊有第一至第五

五渡險絕百重山
近夏涼風發新晴麗景還
翠烟飛縹緲

好鳥語綿蠻
密樹青羅幄
連峯碧玉環
野英紛爛熳
巖

溜碎潺潺小艇橫清泚飛橋截碧灣機舂流水激架厂
石崖慳紫笋和泥采青梅帶葉攀未能供旨味聊得悅
慈顏取醉三盃適歌眠一餉閒自憐霜鬢白人羨綵衣
斑物色揮毫裏家山隱几間狂歌聊爾耳同志儻吾刪

送江充之郎中知温州

巖廊拱神聖岳牧用才良委寄晉藩鎮飛騰漢省郎
綠帷非矯激綿蕞豈尋常花繁揮毫玉風生漱齒霜
兒童騎截竹父老候甘棠五馬晴薰細雙旌曉月涼
清香凝

燕寢春草夢池塘乳哺蘇民瘼生薪東吏行謝樓山色
淨孤嶼海天長信美毋多戀遙歸覲建章

送趙達明太社知江州

天上佳公子人間少吏師文華紳笏服名字冕旒知剴
決監州日春容栗社時未成持從橐聊復把州麾京邑
期蒙福湓城望寵綏朱轡臨境土竹馬走童兒去獸同
均輩蠲逋繼濬之政成遙入覲獻納日論思

李渤字藩
之為九江

守奏放逃逋

四千餘貫

東宮生辰

寶歷天重啓皇圖日寢昌九重資燕翼萬國仰元良玉
律秋初杪金飈歲正穰前星輝采盛少海慶源長甲觀
祥煙滃春宮協氣翔千秋佳節勝四莢瑞藁芳瓜棗欣
初獻蟠桃慶乍嘗庭羅六佾舞天薦九霞觴銀榜彌生
耀銅扉絜有光謹聲連紫極喜氣溢穹蒼冊錫雕珉煥
旗頌青輅揚衣惟珍黻冕音不嗜宮商問寢同周發隆
師過漢莊猷為規禹啓翰墨掩鍾王化被賓簪屬恩沾

左右坊善三今獨冠明兩古難方陸贄言猶采宣尼訓
敢忘本支綿百世羽翼貳巖廊宿忝宮僚舊曾霑允澤
滂願斟滄海酒歲祝壽無疆

留別王狀元二十四韻

才大文章伯忠純社稷臣七州鍾秀異孤嶼賦精神德
蘊圭璋潤曾涵海嶽春麟經頻得雋槐市早稱珍宿弊
時方革皇綱上正親大廷清問降空臆謹言陳力補嚴
宸袞深撓睿主鱗一元追董相多詐恥平津文擅無雙

價臚傳第一人聲華飛宇宙風采聳簪紳貴紙寧堪數
回天僅足倫施行均令甲獎諭見絲綸未覆金甌墨聊
為綠水賓愛民如赤子東吏似生薪鑑水書題徧稽山

賦詠頻却梅清節著

見幕府清風
不受梅詩

誣狗滯冤伸

見論魯
六傷犬

劉子賤子嗟何幸同年蓋宿因糟糠聊攝局山水獲聯茵

醇耐容霑醉新詩許效顰獨蒙青眼舊端異白頭新酬
倡幾千首從游殆十旬笑談將契濶肝胆政輪囷帝夢
方思說天民竚起葦不才雖苦窳終始願陶鈞

六言詩

亦好園羣花盛開戲成

小圃初乾曉雨雜花爭試新粧
抹色似觀濯錦吹香如過河陽

三歲無諸國裏青春不是花時
今日小園春半百般紅

紫芳菲

福唐桃李臘中皆開
紫笑茉莉五月始盛

題李通判斷橋圖

平生心地夷坦一旦足跟嶮巖
不是藍輿安穩只應神

物護持

橋上笋輿岌岌橋下浪波汙汙但覺往來無惱不知觀者傷神

書趙德莊詞後

老眼省書成霧介菴墨妙金篦波底斜陽紅濕絕勝彩筆新題

訪何茂恭於南湖作三絕句

十里相望烟樹句月不絕藍輿漱石枕流戲綵浮家泛

宅南湖

南湖綠髮居士恰少磬湖八年掀雷抉電傑句出月穿

天大篇

啼飢妻子眼底厚祿故人日邊一錢不直誰念五十無
聞自憐

茂恭見和再用前韻奉酬

朗朗百間羊脰森森千丈長輿一身宜着臺閣半生流
落江湖

憶昔永新番水俱吏江左三年不作載以馬援聊為留
犢苗篇

少陵時時醉裏子山日日愁邊白髮新來滿鏡故人萬
一能憐

磬湖居士得片石于斗坡山其長五尺其廣一
尺有咫聳拔孤秀縝密溫潤絕不類此間石疑
自他山飛來因目之曰飛來石

六丁驅石日本墮落斗坡山中一片蒼珪紫玉幾回秋

雨春風不假鑄鑱刻削自然巧妙嵌空居士置之朝爽
是謂飛來小峯

五言絕句

題齊山翠微亭

山深雲氣多撥雲尋徑入但覺襟袖寒不知濃翠濕

賦竹

冥搜高出月幽思渺裁雲擬遣窮愁去那能無此君

海棠塢

晴塢夕陽媚煖梢春意留詎須吞絳藥方解解人愁

七峯亭獨坐

嶼岫新亭好悠然見七峯凭欄吟不盡春色與秋容

水樂洞

近聽千絲急遙聞一聲清恐傷詩肺腑不作斷腸聲

曲水

不是山陰畫清流曲更方欲知三面景絕勝九回腸

方池

四角朱弦直雙橋小霓歛寒星夜稀密冷浸一枰碁

弄月亭

掬水弄漣漪清輝碎更隨人間無太白欲捉可憑誰

紫君林

此君仍佩紫直節自來孤欲倩丈夫子招邀入畫圖

小山

峯秀因拳石溪清見髮魚

陶隱居注本草云
魴魚是人髮所化

毫釐辨喬

梓咫尺有匡廬

石洞

此秘昔未覩
斷雲今始開
蒼松臨怪石
宜號小飛來

竹巖

怪石誰雕斲
蒼蘿翠木斜
幽巖畫屏倚
却憶柳州誇

石塘

野色知何處
松邊竹外塘
雨餘紅菡淨
風起白蘋香

飲茶

清風生兩腋
雪乳吸雲團
便擬乘風去
翻嫌縛小官

懷東嘉先生因誦老坡今誰主文字公合把旌
旄作十小詩奉寄

文章無正體源浚流乃深能者主宰之古來非獨今
大雅久不作淳風日澆漓挽回既狂瀾此道非公誰
三賦成會稽四集始東楚一洗凡馬空斯文有宗主
對策婉而切奏疏忠且純風行水自波至哉天下文
退之在元和昌言主文字揚鑣踵芳塵公乎得無意
作詩必坡老作文必歐公欲知鳴道心端與二公同

直道蓋中朝雄名橫六合吾道其非邪胡為未舟楫
三讓始循墻一麾嘗屢把夢門德政碑深鑿仍大寫
不見我公久搖搖動心旌敢以一瓣香為公罄精誠
蘇公亦有言公合把旌旄庶使湛輦名亦與峴山高

曝書

秋陽千里曬聊復曝吾書自笑年來事昏眩魯魚

池邊樹

礫索池邊樹踈花照淺清雖無却月觀且有一枝橫

汲水

山泉盈石坎抱甕每相從不敢傷蝌蚪疑能化小龍

賞月

雲盡天容靜冰輪故故圓廣寒宮闕裏今夕是何年

弈碁

睡餘無俗役信手一枰閒勝負何須較神情政欲閒

掃室

凝塵晝滿室燕處亦超然掃罷掩關卧從嘲遠孝先

澆花

花木蒙霑潤根堅枝亦驕懸知如古本端藉酒盃澆

採菊

采采黃金蕊盈盈白玉觴露蘭何足飲自覺肺肝香

策杖

田園依峻嶺牽興每須登却得臺郎力扶持借赤藤

題徑山一覽亭

歷覽衆峯頂下視飛鳥背一身凌紫霞迥出塵寰外

題錢清江

不受百錢餽從茲號錢清至今千載後猶得仰佳名

亦好園初春次韻

梅開羣玉府柳試縷金衣過臘山逾瘦迎風水漸肥
初日宜征轡輕寒怯袂衣蟹黃經雨潤鴨綠得春肥

讀書

一飽無餘事平生萬卷書短檠頭雪白端為惜居諸

覽鏡

平生壯夫志老去未消磨其奈青銅裏蕭蕭雙鬢何

次王狀元晚菊二絕

雖晚亦既好花中無此香誰能識真趣高隱在潯陽
併與杞同賦舊嘗聞雪堂先生澹無欲亦復愛清香

彥禮提宮寄似黃芙蓉詩次韻奉酬二絕

紅粉雖云妙鵝黃亦大奇欲知堪畫處絕勝採江時

幽圃知何處青山東復東芙蓉黃玉蘂還與海榴同

山惠

黃芙蓉錦園黃石
榴風味畧相似

亦好園四詠

亦好亭

亦好新亭小登臨意緒長清流依檻曲明月逐簷方

磬湖

未用他山錯寧須泗水浮衝風時激浪清韻亂鳴球

釣磯

只為貪鱸鯉還應愛碧流風來花落餌雲破月沈鉤

菊徑

小徑三秋好西風百本黃但令頻泛酒日日是重陽
黃石榴吾里所未有僕始携自中都植之二年
方着花明潔可愛異於他榴

但見戲紅巾未聞衣黃裏一試縷金裳世職真西子
細染麴塵英稀着鵝黃藥雖無蠟梅香風味絕相似
磬湖即事

十畝煙波濶平開一畫圖已添無數景喚作小西湖
題亦好亭集句

從士力難任

退之

何其掛懷抱

子美

不及在家貧

樂天客中守歲

在

家貧亦好

戎昱

園中即事二絕

錦園無十畝，緩步足登臨。
弄月波濤細，愛山花木深。

風勁木初落，霜輕花更幽。
晴香山苦馬，冷豔水牽牛。

有花

生曲水中似牽牛而小葉生水下水出水上其幹類鵝翎箭桿仍長一尺四五寸無枝余為名之曰水牽牛

愛山堂

棟宇還依石窗扉，不碍山丹青寧。
辨此烟雨飽孱顏。

七

八

欽定四庫全書

香山集卷十三

宋 喻良能 撰

七言絕句

錦園小春

細雨將春上曉枝
東風吹綠到漣漪
長溝繞檻多佳處
小徑穿花無盡時

春雨

晚風吹雨過西疇
惻惻輕寒似早秋
燕乳鳩鳴春又老

可堪芳草喚人愁

春陰不斷怒鳩聲
日日溪雲帶雨行
試挂西窓看霽色
一川煙草畫難成

春日偶成

煙霏初散曉寒收
花氣烘晴草色浮
一片風光吟不盡
青春池上海棠洲

戲詠書案上江梅水仙

偷將行雨瑤姬佩
招得凌波仙子魂
幽韻清香兩奇絕

小窓斜月伴黃昏

壽星泉

水邊豈無清江使石上自有黃冠仙更須喚取遼東鶴
便是人間不老泉

次韻楊廷秀郎中游西湖十絕

湖波萬頃瀉鎔銀妙句誰能敵李紳橈影緩隨紅蓼舂
荷香細著白綸巾

蕭蕭竹徑細通幽小憩明窓淪茗甌夏木陰陰可人處

黃鸝飛上碧枝頭

裴園亭榭水之濱
草樹雲煙滿目橫
盡日對山仍把酒
茲游絕勝若耶行

與世從來最濶疎
年來況復味潛虛
漆園不嗜濠梁樂
人自人兮魚自魚

憶昔孤山和靖家
光風霽月總輸他
幾多水草連煙草
無限蘋花雜藕花

誰云騎馬似乘船
摇曳中流即水仙
香繡幾屏波底影

煙綃千幅望中天

湖堤樓閣劇蜂房樓上爭看湖上航萬柄芙蓉清冉冉
臨風新拆麝臍香

一時談笑總名流十里西湖恣意游熟醉側身窺翡翠
狂歌左手把蝸蟬

袞暑渾如深甌炊涼颼一餉最先知憑誰為覓丹青手
畫我談詩剥芡時

湖邊幽勝滿青蓮到處時時泊畫船竟日漣漪吟不足

欲歸重看水中天

九日無酒

年年把酒對黃花一任西風醉帽斜今日無錢還對菊
不知何處酒堪賒

雪

翦水輕花著地消弱肌無力倚風飄欲知回旋空中舞
恰似楊家靜婉腰

曉行

樹頭鳥語落虛簷清夢驚回睡未厭笑跨紫騮穿綠徑
晴雲涼月正纖纖

道上口占

隴北麥苗初覆塊舍南梅蕊已含鬚小春似有芳菲意
憑仗何人為寫圖

詠梅

竹外江頭帶雪看花中清絕畫應難玉肌瑩骨冰姿瘦
單著生綃怯暮寒

三月十四日陪同年十有六人游淨慈遂飲於
水月居坐中即事

車馳卒奔風雨過粉白黛綠春事妍
裙腰政佳酒仍美
那復有路到愁邊

崇桃穠李亦不惡一笑海棠尤可人
徐熙趙昌俱骨朽
翠袖捲綃誰寫真

美酒未盡雙玉鉶更聽提壺鳴不停
斜陽可飲徑須飲
趁得城門打鼓聲

凝香閣

渠渠夏屋翠陰稠
沉水香濃瑞靄浮
媿我無才吟五字
未妨燕寢似蘇州

上巳郡宴即事

細雨輕陰修禊天
海棠睡足柳初眠
凝香簾幕東風煖
小醉清吟錦瑟邊

次韻葉宰植竹四絕

檀藥節目瘦長枝
晴既蕭騷雨亦奇
誰道此君惟澹泊

細看頻賞自多姿

蒼煙翠霧兩冥迷
秋雨叢深不作泥
冷葉寒枝須管領
亭亭會見拂雲齊

誰云青士太無情
偏結騷人冷淡盟
不假遙岑分寸碧
故應雙目自增明

木本曾看煙雨梢
臨窓依砌韻偏高
可憐不入繁華眼
祇稱清談王馬曹

偶成

祠山東畔古桐西垂柳陰陰映短扉誰道官居太蕭瑟
香粳甜輒鰕魚肥

至德

至德春山紫翠堆楚東征吏又重來是中止好覓佳句
捫腹自憐無此才

齊山

龕巖宜號祕密藏翠微應呼清淨身欲憑妙句發佳境
安得揮毫我輩人

池陽報恩寺新成輪藏應公出示鮑仲山詩因
贈

招提雄冠浦邊州寶藏琅函眩電眸更出故人奇絕句
相看知是贊公流

遊青山當塗王使君命供張甚適

雨映青山訪謫仙公厨分釀割肥鮮酣歌一曲西風裏
頓失羈愁向酒邊

放姑惡

為憐心折骨仍驚四十方兄博汝生從此直須防巧中
著身未穩莫先鳴

春日道中絕句

繚繞孤村一徑斜綠楊深處有人家翠眉紅頰牆頭出
淡淡春山淺淺霞

次韻何茂宏見寄

牧之俯首隨繮鎖元亮高情樂里閭樽酒未能供一笑
尺書多謝附雙魚

登寺後峰絕頂

杳杳扶筇上翠岑
松風蕭颯五雲深
不知直自登臨處
下至平川幾百尋

洄溪閣

十尋傑閣倚雲隈
淡靄輕煙照眼來
山色不隨天際遠
溪流長為水深回

蓬萊閣

絕知蓬島異塵寰
弱水相望萬里間
爭似卧龍雲際閣

不勞跨海即鼇山

自入新安境中鴨脚千樹羅生道傍秋實離離
低拂行客顧之欣然因成絕句

離離秋實壓枝柔帶露含煙爛不收須信新安生鴨脚

大勝雪水熟鷄頭

今歲鴨脚盛生

任公釣臺

任公垂釣古來稱千載危臺尚可登尺澤只今無處覓
懸知深谷解為陵

好溪堂

好溪無復怒濤轟綠縈青秀色腴更著華堂臨絕境
風流長與峴山俱

凝霜閣

歸然飛閣榜凝霜雪散冰丸却暑方治郡風流無處覓
只應棟宇是甘棠

題靈源洞

細數峰巒到石門緩移屐齒步雲根一樽濁酒林間坐

古木蒼蘿日月昏

鬼鑿神鑿巧更紆
直疑有路到華胥
坐來濃翠沾衣冷
恰似飛來秋意初

昌園賞梅

國一作原

十年不踏淮安路
今日昌原得縱游
千樹撩人詩興動
恰如何遜在揚州

縣齋夜坐

驚行散盡室如冰
數卷殘書一穗燈
尚有茹葷兼飲酒

不然全似打包僧

余禱雨龍湫翼日響應兒子興之有詩紀實仲

文季直弟亦既同賦老子久不作詩因得絕句

龜齡昔禱五龍廟曰雨而雨若有期我無能為此云役

雲螭何事不相違

龜齡王公昔守鄱陽禱雨龍祠不旋踵而應事見五龍廟碑

餘千資福寺巖桂盛開因折一枝戲成絕句

綠玉枝頭金粟團可人風味勝紅蘭一枝攜向金溪去

袖裏誰知有廣寒

雲錦閣

巖花亂落隨春水
萬丈輕紅遶驛樓
不是江流似雲錦
政應雲錦似江流

上清

積雨新晴翠靄浮
好風掖我上清遊
白頭捧檄真聊爾
那忍深文學杜周

七月晦日聞鶯

憶得東風汎蕙蘭
曉窓紅樹聽綿蠻
如何却到深秋節

盡日猶啼修竹間

九月八日次韻沈虞卿一首

白髮蒼顏會帝鄉
微雲淡雨小重陽
一樽相屬非無意
欲攬胷中書傳香

次韻朱昂仲見寄一絕

使君詩酒日娛嬉
燕寢新來一段奇
政是夢熊佳節裏
釋迦抱送寧馨兒

九日鞠嶽茶山廣教院遣興一絕

牧之秋浦峰頭飲王勃南昌閣上吟千古勝遊誰復繼
只今重九欠登臨

鵝湖雙松亭

白壁長廊數十間
峩峩佩劍兩蒼官
艷陽滿目皆桃李
晚節如公可歲寒

石扶山

弋陽界中

玲瓏怪石巧相扶
竒絕無人作畫圖
要是飛來嫡孫行
恨君生不近西湖

松源山

征途未盡弋陽西且過松源九節溪煙雨濛濛山色好
鷓鴣更與盡情啼

懷愛山

空陂流水淡泠泠小立春鉏點遠汀煙雨半收山更好
知誰不喚作丹青

仙隱觀費長房故宅舊名靈陽宮觀後有葛陂
蓋竹杖化龍處也

松風百步到靈陽千古風流憶長房
竹杖化龍無處覓
空餘陂水繞堤長

題谷簾泉

此水名傳自昔賢味甘誰敢鬪芳鮮
一甌雪乳初嘗罷
知是人間第一泉

月臺

青林闕處綠陰開十里長風送月來
妬雨玩雲都淨盡
素華清影巧裴徊

琵琶亭

琵琶人去幾經秋
司馬青衫亦故丘
唯有當時亭下水
無情依舊更東流

次韻梅花絕句

玉裙練帔清無塵
一笑喚回幽谷春
天寒日暮故相惱
不怕近前丞相嗔

次槐卿舅詠梅二絕

玉肌冰骨不多枝
半映清池半近籬
寒雪尚遲新月早

橫斜分影到漣漪

朔風寒日澹孤芳
冰雪相看有暗香
但得橫枝臨却月
不須斗酒博西涼


石鐘山

坡翁文字妙來今
仙去遺蹤杳莫尋
惟有石鐘還好在
未須霜降自清音

題煮泉亭

甘香曾飲谷簾前
攜茗仍來試煮泉
更覺清風生兩腋

始知鴻漸是茶仙



欽定四庫全書

集部

香山集卷十四至
十六

詳校官庶吉士臣翁樹培

主事臣呂雲棟覆勘

謄錄監生臣龍舜耕

欽定四庫全書

香山集卷十四

宋 喻良能 撰

七言絕句

望月臺

灩灩冰輪林上頭
煙銷霧斂桂花浮
要看夜靜天如水
莫遣疎簾不上鉤

題太白祠堂

長安酒樓歌管新
一曲烏棲泣鬼神
狂客解龜同一醉

人人知是謫仙人

倒披綺裘草屨巾酒醒玉山來映人
明月滄江故無恙
騎鯨何處狎龍鱗

潮生采石波濤險秋入青山草木寒
千古風流無處覓
空吟亭北倚欄干

初到廬山

匡廬山水甲南州況是曾經靖節游
眼底總堪供賦詠
新詩不礙細雕鏤

溫泉

不與驪山脂水并，獨於廬阜占佳名。
我來試作泉間浴，一洗平生病惱輕。

題開先寺飛橋次待制王公韻

漱玉亭邊百尺橋，游人平步玉虹腰。
憑欄下瞰清淵底，秋水無塵浸碧霄。

游柴桑懷淵明二絕

語客歸休醉欲眠，素琴雖蓄本無絃。
南窓寄傲北窓卧，

買斷清風不用錢

草莽連雲舊逕荒人人稱是古柴桑園蔬籬菊知何處
喬木蕭蕭挂夕陽

題石榴洞

有客持柯石門道避人避世白雲邊相逢驚喜還相問
應說經今八百年

溪谷幽深可避秦桃源風物畫難真思量却得藍超力
解遣人知洞裏春

當年雞犬白雲中
屋角榴花帶露濃
洞口只今無處覓
唯餘碧水繞青榕

登清音堂

堂上橫看江上洲
洲邊春浪拍天浮
晴欄倚遍無多景
浩蕩時時沒白鷗

洲以檀槽舊得名
風來草木自成聲
青衫司馬令人恨
只作潯陽送客行

平生秀句誦隨州
今日身親歷勝遊
欲賦江山無好語

強賡歸鳥與孤舟

彥禮提宮以詩見招赴惠山登高之集次韻奉

酬

王勃揮毫滕閣上蘇仙把酒華山顛去秋相與追清賞
回首匆匆又一年

西風搖落雁南翔萬里晴空一洗涼幸有從來茱菊約
敢辭相對引壺觴

題徐子由菊坡圖

先生萬事不挂眼獨向秋叢餐落英未省折腰營五斗
懸知今日有淵明

葺坡種菊當餽糧想見西風百本黃安得一尊相對飲
為公滿意賦柴桑

清心堂

雨餘池水淡泠泠霜後梅花照眼明題作清心知未稱
此心元自不須清

去歲十月六日由番江向安仁今歲十月回自

廣信復以是日同王藍田諸公登安仁張古峰
去歲茲晨離楚東今年飛蓋上晴空煙雲晦靄江天暮
一笑都如夢寐中

懷王侍郎劉祕監

平生西蜀劉中壘四海東嘉王右軍三載相思千里夢
何時把酒聽論文

臘前二日見青梅桃花

澤國寒多春事遲南來地暖意都迷城陰雨過臘初近

梅子青青桃滿蹊

丞廨之後正瞰城城上有古木十數株盛夏五
六月清風徐來蕭然有山林之趣嘗誦陳後山城
荒可當山之句欲作亭對之榜曰當山而三歲
之間十捧差檄三攝劇邑猝猝未能也今且去
矣乃留詩壁間庶幾後之君子會有成吾之志
者

地靜城荒可當山士衡瓦屋兩三間作亭領畧吾何暇

留待來賢涉筆間

次韻趙十太尉留題驛亭絕句

青衫憔悴鬢毛蒼
還記并州舊葛強
楚尾吳頭秋驛好
喜聞嚼麝笑談香

愛山

柳絲稀處見前山
半在雲間半霧間
回首亂紅濃翠裏
春風啼鳥更綿蠻

朝爽軒紅蕉著花喜而成篇

青綺叢中蹙絳紗
碧雲闕處抹晴霞
凌霜窈窕含朱彩
消得愚溪作意誇

題泛五湖遊東山圖

陶朱西子功名後
安石東山隱遯初
畫圖三挹春風面
豁得平生俊氣無

亦好亭獨坐

亭上橫看十六峰
峰頭烟靄碧連空
不須更作遊山計
坐遣詩情落酒中

湖口主簿劉君少魏以皂湖石二峰見遺其一
盤桓呀豁彷彿金華洞天因目之曰小三洞賦
詩一絕

片石來從鳳枳家天然嵯窳自唵呀從今喻予新三洞
不減坡翁舊九華

病起

寢瘵初休意未便簣簣生筍柳生綿誰能竭竭團藥走
只要齁齁酤酤眠

幾歲思歸今得歸一筇三徑共忘機
寸腸滿貯愁千斛
的當回頭覺昨非

次韻槐卿舅詩寄石榴

細高風物總幽奇朱實離離瘦玉枝
居士既為東道主
文人休勒北山移

六月十日偕夏卿兄季野孟明仲文季直弟游
香山因得小詩書僧堂壁

夏木陰陰翠竹疎相攜蕭寺饌伊蒲
他年細味禪房句

便是香山六老圖

孟秋七日邀從兄廿五宣義四弟五姪同飲錦園即席之作

湖水林風清復清
買肴置酒七峰亭
直須待得玉鉤掛
要看牽牛織女星

何遜梅花詩云
枝橫却月觀
林和靖云
水邊籬落忽橫枝
又云
疎影橫斜水清淺
是或一律也
亦好園江梅一株
枝橫丈餘
作平壇鑿小池於

其下壇池初成榜曰橫枝喜而賦詩

却月枝橫淮海初水曹句法到西湖橫枝影瘦池清淺
奇絕何人作畫圖

三月六日清明節道中

清明時候雨初足白花滿山明似玉

道傍滿山皆白花問之樵者曰此

花也十里春風睡眼中小桃飄盡餘新綠

北山登高

九日紅茱紫菊催相攜緩步上飛來酒酣便有龍山趣

不用重尋戲馬臺

陳益之李兼濟皆為余作大字書此二詩

渡江至侯官鎮記所見

破臘侵星渡急流
曉風吹動黑貂裘
黃雲不斷碧雲暗
荔子林邊甘蔗洲

峽橋

驚流落石震林垆
一洗紅塵耳目醒
妙語曾聞杜陵老
高江急峽鬬雷霆

百尺危橋跨綵虹
快輸白浪入晴空
眼驚巫峽江山近

身在蘇仙詩句中

文舉司理以鸛鵒一隻見遺作詩為謝

五采爛斑好毛羽
金沙石礫映毳毼
我無御史西臺望
安用一隻鸛鵒來

贈神童陳樸

陳郎七歲富三冬
此去聲名動九重
好踐退之童子序
莫隨劉晏頌東封

就報恩借碾茶彝老有詩因次其韻

斷無鵝鴨惱比鄰
賴有鐘魚隔竹聞
故遣新茶就佳磴
要供戲綵滿甌雲

七夕戲詠

別多會少兩情深
風幌雲屏喜不禁
誰道初秋清夜永
須知一刻直千金

巖桂

栗栗枝頭淺淺黃
十分風味百分香
廣寒宮殿清秋裏
掠削雲鬟試靚粧

枝頭金粟色偏勻
空裏非煙氣自薰
莫把白旃檀漫比
香濃猶得逆風聞

水沉風味鬱金黃
風定猶聞十里香
造物普令薰一切
故應五濁暫清涼

謝司路鈴遺菊花塔

夫君遺我菊浮屠
分得清香供讀書
突兀便高三數尺
層層畫影綠扶踈

謝陳蘇州送酒

宮庠寂寂雀羅門寧有賢人倒綠樽
賴得蘇州情義重肯令從事問寒溫

元日追次東坡和子由省宿致齋韻

五十之年又過三依然白髮照青衫
年來大起山林興任達從教笑阮咸

人日道中口占

初日輕烟溪上橋遠峰積雪未全消
東君也是多情思先遣春光到柳條

竹籬茆舍水邊家
窓牖虛明小徑斜
草色未多春意好
疎梅映竹兩三花

書紅香堂壁

瓦影鱗鱗蔭曲塘
疎簾不下縱荷香
綠波乍識紅粧面
未忍輕將比六郎

參議林郎中蓄乘軒君向來止有其一
今日見之乃有嘉偶因得小詩

物情非耦不能久
並蒂芙蓉亦自雙
珍重鶴君新得配

故應清淚徹秋江

南劍道中

桂樹青青百里疆
鷓鴣啼徹午陰涼
延平津上峰如削
劍去江空水自長

九曲溪

扁舟一葉破漣漪
九曲窮時山更奇
喚取謫仙來著句
平章佳處要清詩

十年來往大江東
每為青山引興濃
自到此山尋絕境

悔看五老九華峰

遊龍井

九月十日天氣涼桂花零落菊花黃竹根如意雙不借
放眸一望海天長

天人彌天同一游灑落珠璣不自休二老風流今淨盡
空餘怪石對龍湫

致身通顯大槐夢快意畋魚紫石潭何似相攜古蘭若
細看香篆味茶甘

次韻馬駒父晚菊五絕

朔風吹冷破檀心
浥露勻鋪瑣碎金
喜見鮮鮮長踴躍
只應吏部獨知音

開及梅花未發時
那愁三弄有桓伊
何時栗里東籬下
冷蕊寒英伴酒卮

嫩黃初破未凋殘
風露相禁曉色寒
欲並墨梅兼墨竹
何人為作畫圖看

不知香靨為誰開
衫染鵝黃巧翦裁
但得目成兼色授

何妨頃刻耻樽壘

霧幌褰開秀色明
麴塵半臂亦多情
芳菲不擬親桃姊
蕭灑端宜齒石兄

莆陽道中

閩粵溪山處處經
長松夾道奏簫笙
只應行客忘勞役
千里清陰管送迎

乘風雨登舟至麴院

猛雨連天水滿湖
扁舟風撼碧濤麤
掀髯笑詠煙波裏

兩岸人應作畫圖

登蒜嶺

三年烏石山邊路每恨南留未北歸
今復無端登蒜嶺却尋烏石認親闈

次韻趙景明初見梅花

不解何郎五字詩年年長是探梅遲
未甘辜負春消息強擬來看竹外枝

欽定四庫全書

香山集卷十五

宋 喻良能 撰

七言絕句

送師相陳大觀文

地總全閩控百蠻
政成治最二年間
五千里見耕桑盛
百萬人欣日月間

狂風吹海向來驚
玉帳分弓射怒鯨
千里妖氛都鏡淨
商船載月夜深行

頻年秋稔穀相因八郡恩波著處勻長樂城中家幾萬
家家生子總名陳

化國熙熙日自遲崇陰無訟草含滋何人剩伐南山石
大刻詳書德政碑

裴令有心吟綠野贊皇作意向平泉君王夜半思元老
明日金甌寶墨鮮

黃童白叟走踈踈總向城邊擁去輪願為此邦聊小駐
公歸誰作萬家春

將令四海變虞唐那得夔龍滯一方寄語邦人休卧轍
道傍行看舍人裝

溶溶曳曳白雲間救旱濡枯頃刻間四海蒼生望霖雨
謝公早晚起東山

朱朱白白總精神共喜今年化筆勻尚有窮鄉寒谷土
政須一氣轉鴻鈞

桐廬舟中

急槳如飛破浪紋子陵灘下水沄沄江風初靜扁舟穩

卧看青天行白雲

望湖亭

倚欄遙望賀家湖
千頃波光半欲蕪
試問青銅未消蝕
西湖得及此間無

賀知章祠

乞得君王一曲湖
笑他三逕就荒蕪
欲知千古高風在
月落寒山影自孤

鑑湖

憶昔未曾遊鑑水畫圖髣髴見非真年來飽泛同苔雪
寧媿江湖舊散人

弄水亭次李察院韻

清溪一曲抱危亭天水無塵相與明昔日紫微今御史
兩翁詩句一般清

題五洩瀑布四首

玉龍千丈自天矯飛雨十里長廉纖愚柳一見心眼爽
未須界圍觀水簾

香爐太白有佳句鴈蕩老坡題畫圖安得二仙居至此
新詩想見唾成珠

越絕徒聞萬壑流他山未比此山幽誰云十地有熱惱
但覺三伏生涼秋

瀑雨霏霏濕翠嵐來從天半許誰探凌空踏盡峻嶒石
始到峰頭第一潭

綠毛龜

白玉盆中淺更清綠毛浮水鬬輕盈須臾食罷渾無事

自上盆山頂上行

禹帝祠道中

薰風正欲拂江梅去歲茲晨宿霧開
新竹出牆荷貼水今年潦倒又重來

窆石

禹陵蹤跡頗堪疑窆石衣冠知幾時
猶解起人河洛思可憐大勝嶧山碑

菲飲泉和韻

不覺當年室與宮
菲泉猶得想遺風
至今美食鮮衣者
不敢緣窺綠淨中

陪胡少卿登山瞻禹陵

考古年來喜有徵
相攜步步上峻嶒
皇華使者歸朝著
好為詩翁說禹陵

鵝池

空餘青李與來禽
寶墨知誰是賞音
未若山陰羽衣客
等閒猶識愛鵝心

秦望閣

傲睨須知古有秦
却將黔首等微塵
當時虛上峰頭望
不見桃源避世人

定泉

茲泉定力冠諸泉
故向空山獨湛然
終日虛明無一物
客來惟見浪痕圓

登望海亭

誰將龍脊置新亭
一餉登臨耳目醒
欲識海門山盡處

爛銀堆裏數螺青

題智者雙清堂

潦收池淨見魚行
木落山空鳥語鳴
更待夜深來徙倚
要看霜月鬪波清

磨勘轉朝請郎

脫身畎畝遙簪紳
父母妻孥均沐恩
百年七萬二千飯
要須一飯不忘君

乙未詠梅

疎枝倚竹更臨池一餉清寒瘦雪肌恰似玉兒初識面
朱唇蘇頰總相宜

湖上二絕

輕陰疎雨帝城西目斷裙腰綠正齊處處春風圍繡幕
行雲莫與濕障泥

初過百六見梨花堤路煙輕雨更斜玉雪一枝端可念
柳絲深處水邊家

天申節明慶寺啟建

兩鬢蕭蕭華髮生欲尋江上白鷗盟
皇恩却許陪鵷鷺重聽景陽鐘鼓聲

雨中至上竺

雲滿千山雨滿川肩輿來禮白衣仙
山間秋色知多少總在危簷繚檻前

聞莊鵬舉山茶小盆葩華雜然有意舉以見遺
因作詩求之

瑠璃翦葉碧團團收拾繁枝徑尺寒
舉贈詩翁知有意

要令飽看鶴頭丹

送王李海敷文赴閩漕

鐵冠慷慨老臣風
諫紙雍容補袞功
久以精忠簡天上
暫將和氣到閩中

諫省歸來三載餘
君王應渴見鴻儒
七閩重地誰能漕
聊出長才為轉輸

聖主方懷南顧憂
且煩持節按閩州
政成早作朝天計
兩地端須第一流

追憶王詹事何知錄

平生師友于王子四海襟期錄事君
白髮紅顏俱異物
高山流水欲誰聞

直廬鎖宿呈監丞宋文

軒窓空洞惟脩竹風韻時時自琴筑
學省蕭然冷欲冰
兩翁相對清如玉

懷亦好園釣磯寄仲文季直二弟

磬湖雨過漾清波古岼秋來長薜蘿
問訊石君無恙否

試煩著手為摩挲

蚊

聲如蛾唱更悠揚
透殼穿紗喙許長
莫倚傳呼工噬嚙
須知十月有清霜

題藍田松竹圖

風姿凜凜千君子
冠劍堂堂兩大臣
著我中間哦五字
只應斯立是前身

送終南函谷二圖還司路鈐

平生飽看江湖景所恨未游關輔山一朝圖畫入吾手
似到終南少室間

次韻林參議致甫以詩見索近作

朝行款接已彌年會府重逢意豁然好酒未容千日醉
惡詩不必萬人傳

僕不飲久矣今日過宋嗣宗且談且飲不覺霑
醉

年來飲酒不濡唇蘸甲今朝始為君頗似昌黎當日語

人皆勸我若無聞

次韻王待制游東坡留題十一絕

吞舟尺澤豈能容
此地誰知著卧龍
當日春風生筆底
至今山色十分濃

當年隨意樂江天
句句新詩盡可傳
事業文章兩俱美

先生兼比二公賢

王元之
韓魏公

五年同社樂田神
一扇西風障庾塵
文采風流千古事

野人恨不識天人

赤壁奴臺視白樓五言端的勝蘇州政緣不得文章力
故許江山作意游

何處重尋飯顥詩先生詩語總英奇細吟出月穿天句
想見揮毫落紙時

對泣何曾學楚囚扁舟時作大江游眼看西蜀三千里
身在淮南第幾州

前代樂天今復見後身元亮更何疑百年人物有誰在
千古聲名無盡時

筆下無非幼婦辭
胸中端擬效安期
我生只許拜遺像
不見先生無恙時

先生仙去幾經年
赤壁依然浪接天
去棹來舟相指示
曾遊元祐玉堂賢

雪堂風物渺江村
行客悽迷欲斷魂
不見當年謫仙面
空餘春柳典型存

腐儒詩膽大於身
所恨陳言老未新
何日小舟江上去
一杯聊酌筆端神

九日無酒仍不見菊唯巖桂一瓶伴此岑寂

白衣不至酒難賒兀坐晴窓獨飲茶今日重陽對巖桂

昔年百本看黃花

亦好園栽菊百本
每至重陽盛開

次韻夔府王待制寄示巫山圖

碧嶂嶙峋夔子國白雲縹緲昭君鄉平生不識巫山面
今日巫山到眼傍

上葉參政二絕

密幄從容僅五旬趣專大政轉洪鈞熙朝未有金華相

創築沙堤第一人

前世萊公今復見後身文正更何疑
君臣相得同魚水剩把勲名鎮四陲

雨後聞蛙

雨過窓虛夜氣清
草間何處亂蛙鳴
休論公地兼私地
且聽蘿根呶呶聲

次韻陳侍郎李察院瀟湘八景圖

瀟湘夜雨

平生雲夢澤南州秋思春情浩莫收更聽瀟湘夜深雨
孤篷點滴替人愁

洞庭秋月

洞闊乾坤日夜浮月明天淨最宜秋何人獨卧清風裏
萬頃煙波一葉舟

平沙落鴈

江南雲水蓼花洲中有飛鴻巧自謀過盡關山都不住
直須來趁楚江秋

漁村落照

亂山深處水邊村
小艇初歸未掩門
吹火煮魚傾濁酒
半規斜日照黃昏

江天暮雪

羣山總入玉壺中
只有滄波映遠空
獨釣寒江晚來雪
憑誰畫我作漁翁

次韻王待制初見虎牙銅柱詩

千騎遠征夔子國
百篇還賦杜陵詩
虎牙突兀撐空出

恰似雲開衡嶽時

老僧攜筇竹杖來試就求之欣然舉以見贈

萬里攜來自蜀州老僧珍重許誰求相逢舉贈寧無意
要我雲山處處遊

得伯壽兄知丞書因成絕句奉寄

兩地相望千里餘一番梅雨晚晴初無因可寄平安信
喜傍征人接近書

讀韓詩有感用介甫體

少陵無人謫仙死

石鼓歌

吏部文章日月光

汭流館詩

半世遑

遑就選舉

贈侯喜

十年蠢蠢隨朝行

和盧郎中

讀樂天詩

樂天古律三千首
下筆當年不自休
平水兒童猶誦習
雞林賈客亦爭求

--	--	--	--	--	--	--	--

欽定四庫全書

香山集卷十六

宋 喻良能 撰

七言絕句

次韻鄭季遠國錄賢良題余廬山詩記

青鞋憶昔到廬山回首清游夢寐間忽見廣文奇絕句
十年風雨喚仍還

天姥夢魂勞太白赤城想像賦興公匡廬縹緲煙雲境
總在新篇妙句中

次韻王待制題予廬山記後二絕

曾到匡君住處山始知身在五雲間吟毫揮盡無佳句
空遣奚囊捆載還

山阿詩刻照雲松到處逢人問我公白傅蘇仙名不滅
公名今在兩賢中

荷花

花落波間生縵紋香飄風外似爐薰六郎顏色應慚汝
八子風流定似君

八月十八日觀潮

萬疊銀山出海門
百川渺渺不勞吞
晴江斗起黏天浪
一洗忠胥憤屈魂

誰遣羣兒把綵幡
翩翩驚浪怒濤間
不知岸上人皆愕
但覺波心意自閒

次韻郭刪定觀潮四絕

白浪初看雲出門
驚濤旋見大江奔
不因江海雷霆鬪
安識蛟龍窟宅尊

天池潮汐渺難推何事多盈亦有虧生長濤淵頭縱白
問之消息莫能知

憶昔初為總角兒年年秋後厭旌旗只今廓廓渾無事
樽酒何妨樂聖時

身到錢塘江上初端如碧海掛新圖不知洗眼觀潮日
豁得平生俊氣無

讀侍御去國集次韻卷首赴召

先生一飯不忘主詩句端如杜少陵敬讀新編二百首

凜然風采照隆興

張持荷以二詩見貽不敢虛辱次韻奉酬

南湖騎馬似知章
熟醉清吟錦瑟傍
不分驚行遮電眼
偷閒檢校水雲鄉

南湖一似錦江園
秀句端宜入杜編
想得公餘時步履
清風明月不論錢

張持荷以詩見約同沈無隱賞梅因得絕句奉

謝

結齋風味如和靖況有凌風百尺臺雪霽春新多辦酒
兩翁乘興欲尋梅

自題端溪硯

吳興青石今無聞歛郡刷絲端可焚儒生誰是喜書者
安得一逢王右軍

謝監丞子長雪中四絕

水花翦翦墜同雲萬里橫陳似畫坤不見銀杯兼縞帶
知誰肯訪席為門

國子先生老宦游十年學省一狐裘飢雷有意鳴蟬腹
寒栗無端起玉樓

江邊釣雪翁荷笠道上行人馬度橋說與兒童須愛惜
莫貪瓊屑撼長條

萬玉妃來遣目迷縞裙練帨顫鸞篋令人却憶桐川路
粉藥垂垂照玉谿

喜雪次侯宰韻

凍筆難成授簡章寒光先到讀書堂亂飄撲面如平叔

幾點侵眉似馬良

高國正約飯素淨慈遂至劉寺酌茗于鳳凰泉
同遊者蘇太博計撫揮公禪師請公道者蘇計
與予同庚

三亥並遊真盛矣二禪入社亦佳哉鳳池一段風流事
不欠支郎與辯才

春晚

春及瓜期夏景生鳴蟬漸欲替啼鶯蜂臣飛急衝殘絮

蟻子行忙礙落英

荷葉商量貼水開
亂紅無數點蒼苔
穿簾雙燕復雙燕
把酒一杯還一杯

喜雨

九重午刻命精禱
四海中宵同出雲
溽暑已隨飛雨散
清聲還並曉風聞

次韻李同年誠之見貽之什

兄弟同登年亦同
羨君墨妙更文工
我慙潦倒頭仍白

擬學韓豪一送窮

筆端灑落謫仙人
況復曾同桂苑春
一笑相逢端莫逆

門前洲渚正橫陳

李時寓
居西湖

丁未二月十三日廷和輪對

六年不獲面虞皇
重對彤墀晝漏長
玉色粹溫天一笑
歸來滿袖有濃香

送樓大防倅丹丘

我以疎慵勾外遷
公乎何事亦翩然
兩家俱有親庭樂

且結斑衣自在緣

句外得括蒼東歸侍次

一家滿載扁舟裏
兩槳春風去似飛
漸識路人鄉樹出
世間樂事莫如歸

十年長客帝王都
五畝田園半欲蕪
乞得此身猶未老
自搖小艇釣平湖

永祐陵

乘騎導從朝陵日
漫山桃李花如織
好風吹散半空雲

麗日放將新霽色

森然一徑趨高爽鬱葱佳氣遙相望松聲萬壑奏笙竽
山形千疊開屏障

小臣生長宣和初深仁浹髓淪肌膚只今白首馮唐似
何幸清齋拜鼎湖

誓節馬驛讀龍溪詩

博山一穗蕪沉薰寄傲胡牀笑此身馬隊也知非講肆
聊從開府乞清新

塗中讀周希稷所示詩卷以詩代簡

周郎詩句故驚人爾許清新思不羣
不是并刀工翦水定知瓊尺巧裁雲

州宅

勢壓江巖棟宇雄使君如在廣寒宮
微之政以江山助千首詩成咳唾中

淳熙己酉上巳前一日蚤與遂昌縣尉葉未晚
與弟良弼姪得之金華監酒何震飲于月山之

曲水覽節物之方新欣湖山之如畫率爾成篇
曲溝流水綠蜿蜒正值春風上巳天不是永和東道主
一觴亦復會羣賢

少微閣

臨空瞰濶俯清溪閣占黃堂西復西我昔曾攀郎宿近
只今人指二星齊

簡張子溫運使

宗丞矻矻不離口右司時時說解頤豈獨當今三昧手

故應勝古四愁詩

少陵子厚妙鑪錘力不能追心自期杯水平時猶不直
試求印可老宗師

椿桂堂

昔時共說竇家椿今見清門五桂新我亦鄉閭誇盛事
比君家尚少三人

題吳先生祠

先生高義薄層穹解使池庭化泮宮應笑蘭亭舊豪逸

溪山千古寂寥中

題挹僊亭

鶴駕鸞駟入杳冥望中遺跡照人清
只今縹緲煙雲裏應有僊家犬吠聲

送王節推夷仲秩滿赴闕

紫禁臚傳第四人錦腸貝齒凜長身
三年來作諸侯客千里江山陰受春

胷中深蟠萬卷餘筆端倒傾蛟室珠
掖垣政要舍人樣

致主澤民推宿儒

戰和未定議紛紜
草茅有忠天莫聞
公乎行矣陪國論
毋媿新亭千載人

中年謝傅良多感
欲別能忘作惡無
今日與公休惜別
須知元不隔江湖

寄洪舍人二絕

人物中朝第一人
眉蟠萬卷筆如神
調元要倚經綸手
黃屋虛心待舊臣

仲氏昔嘗司宥密長公元已轉洪鈞紫微豈久承流地
黃閣終須報主身

平遠臺

平遠臺高俯翠微海天煙雨正霏霏登臨何處明人眼
烏石山前白鳥飛

吳越王廟

五季流民去不還賴君撫有此江山嫌名舉世猶知避
何況來瞻廟貌間

次韻丁端叔舟中值雪三絕

輕舞謝衣端不惡斜侵潘鬢總堪驚偶思功業聊看鏡
自怪年來太瘦生

但知才出吳公右孰識詩堪子建親不惜剩吟黃竹句
何妨傳示白頭人

延和初奏三千牘畿甸旋移尺五天風格出塵誰可並
爭看遼鶴一十年

二月二十八日周提宮葉致政樓司理過訪錦

園

錦園春色滿西東一笑相歡四老翁
八秩總開三百歲樂天風味此時同

錦園不減商山樂四皓中間著此翁
今日可無千字作

何人似此一樽同

十字作謂百韻詩昔樂天與劉夢得裴賓客王尚書飲作詩云四個老人

三百歲今得用以為故事

磬湖偶成

只欠退之盤谷序已成摩詰輞川圖
暮年寧復須西子

不用扁舟向五湖

次韻黃三以詩分送筍

此君稚子別經年忽到茅齋意豁然自媿清貧饒太守
嘗新翻在小春前

醉題艇齋

平生飽識江湖趣今日歸來鬢似絲閉戶松風驚醉耳
恰如魚浦聽潮時

送竹枕與勾希載太博

誰人彩斲渭川村有節輪囷秋竹根割我便便春晝睡
乞君栩栩夢中魂

次韻何茂恭詠玉簪三絕

金谷墜樓人已遠樓前首飾尚堪尋誰家玉面雪肌女
淡掃蛾眉方稱簪

未開黃鈿紫冠小誰與幽人作好秋一笑相看兩不厭
翠雲堆裏玉搔頭

月露洗沐秋容淨姑山初逢冰雪仙風流水部與藻飾

從此梅花應並傳

題湖上月林

月林風物最湖山十里煙綃映霧鬟欲識丹青難貌處
渚鷗汀鷺有無間

亦好園菊花盛開為賦二絕

風厲霜嚴了不知晚來幽獨更多姿綸巾細漉柴桑酒
坐對疎籬却始宜

窮秋籬落日蕭蕭淺笑臨風畫亦勞徹骨清寒香未了

落英猶更入離騷

亦好園海紅黃香梅著子戲成小詩

一枝濃艷倚東風
千葉輕黃點翠叢
占得娉婷仍結子
故應花果譜兼通

磬湖小山激水作小溪

平湖激水轉山流
石澗縈紆走碧虬
料得丹青無貌處
白蘋紅蓼滿汀州

連理枝